

10067

:88




皇朝文獻通考卷一百五十三

王禮考二十九

山陵

皇朝文獻通考卷一百五十三



臣等謹按上陵之禮昉於漢世考遷史周本紀武

王上祭於畢馬融以畢為文王墓地名則三代已

有之特其儀節未詳後之儒者遂謂葬藏廟祭不

可相兼非篤論矣後漢永平初帝率公卿已下朝

於原陵史家誇為盛事蔡邕以為至孝惻隱不可

奪也唐宋以降車駕朝陵之禮或數傳而一舉或

一代全未舉行惟我

朝

列聖相承孝思肫切天聰崇德間

太宗文皇帝屢詣

山陵祇修時享

聖祖仁皇帝親政以後仰承

世祖章皇帝遺志三詣

盛京祇謁

祖陵至於

暫安奉殿

孝陵近在畿輔展謁之禮歲必舉行至孝至誠實往古所

大書未有

世宗憲皇帝御宇歲修謁

陵之禮

皇上御極以來

東陵西樂

西陵歲時展謁羹牆之慕日篤不忘而復四詣

陪京

躬親祇謁尊

祖敬

宗禮明樂備洵足垂憲億萬世考馬端臨山陵一門於標

皇土目下旁注葬禮及上陵字一卷之中隨文互見然

上陵之禮吉禮也大葬之禮凶禮也禮雖相因義

世宗憲各有當謹尊

大清會典及通禮之例敘次謁

陵祭

陵禮儀別為二卷以備掌故焉

天聰六年十二月丁丑

太宗文皇帝率諸貝勒大臣詣

太祖陵行時享禮

九年十二月丁酉

上率諸貝勒大臣詣

太祖陵祭告時以察哈爾舉國來歸兼獲玉璽上瑞及莽

古爾泰德格類莽古濟等逆黨伏法焚楮祭告將

讀祝

上跪令大貝勒代善獻爵畢

上諭諸大臣曰自古以來凡國有吉慶及變亂之事俱有祭告之典今當祇遵典禮奉告

皇考在天之靈於是讀祝冊畢

上出享殿還宮

十年三月丙午朔清明節

上率諸貝勒大臣親祭

太祖山陵

崇德元年四月乙酉以營建

太廟遣官捧祝文祭告

太祖山陵時定歲除日清明日祭

陵用牛一遣守

陵官行禮

東京

陵用牛二遣宗室覺羅大臣行禮

福陵用牛一羊二遣大臣一人行禮忌辰孟秋望日

萬壽聖節點香燭獻酒果均遣大臣一人奠帛讀祝行

禮每月朔望致祭用牛一點香燭獻酒果不讀祝

奠帛遣守

陵官行禮

二年六月丙辰以征朝鮮臣服其國及克明皮島

捷音遣官祭告

福陵

四年四月乙丑以征明大捷祭告

福陵

上親詣行禮

順治元年七月癸巳以中原平定遷都於燕遣官

祭告

福陵

臣等謹按國有豐功慶典舉行祭告之禮或兼告

郊

社

陵

廟或專告

山陵俱載入郊社考告祭一門今於天聰崇德之際凡有

祭告皆書順治以後惟紀定鼎遷都告祭一事以

見例遇有

親行祭告之禮則書

二年正月禮部奏言凡恭遇

萬壽節應遣官祭

福陵

昭陵止上香燭供酒果不讀祝從之

二月禮部奏言凡遇清明等節應令駐防

盛京官祭

福陵

昭陵其

興京

東京

祖陵令守

陵官祭奠從之

東三年正月定每年歲除清明及慶賀祭

昭陵如京

福陵禮每月朔望於

福陵

昭陵獻酒果燃香燭罷

昭陵每日致獻

八年六月定

諸陵祀典

興京

東京

四祖陵於冬至歲暮清明中元十月朔俱致祭其祭品冬

至歲暮清明各用牛一獻酒果上飯上羹供香燭

東焚帛讀祝文中元十月朔各用羊一獻酒果供香

燭焚帛讀祝文俱遣宗室覺羅大臣致祭每月朔

望薦熟羊一獻酒果供香燭令守

陵章京致祭一祭

福陵

昭陵

上躬往自左門入若遣官自右門入祭文祭品悉由中門

入

福陵於牌樓前下馬

昭陵諸王則於立獅子處下馬官民則於樹紅椿處下馬

一

福陵

昭陵除清明中元歲暮照常致祭外每歲十月朔冬至亦各致祭一次其祭品十月朔用酒果供香燭冬至用牛一羊一豕一獻酒果上飯上羹供香燭焚帛讀祝文

定和碩親王以下文武三品官以上謁

陵儀凡和碩親王以下文武三品官以上或專往

盛京或道過

盛京俱先謁

福陵

昭陵於二門外行三跪九叩禮及還辭

陵禮如前

九年正月禮部題

興京

東京二

陵

陵寢既同一垣凡祭祀時應在享殿內設祭開後門望

陵行禮從之

十一年九月壬子遣輔國公班布爾善等恭代祭

福陵

昭陵先是十年五月丁丑

諭內三院朕仰承

天眷統一區宇深惟我

太祖武皇帝肇造艱難

太宗文皇帝大勲克集誕祐朕躬以有今日自登極以來

瞻懷

陵寢輒思展謁但彼時朕年冲幼未獲舉行每屆祀期瞻

仰在

天之靈徘徊几筵不禁隕涕以致寢食俱廢日夜靡寧今

將躬詣

山陵稍展孝思議政諸王大臣滿漢九卿等官其詳議以

聞卽傳諭禮部知之庚辰和碩鄭親王濟爾哈朗等奏

言

皇上思念

太祖

太宗日夜靡寧孝思誠篤堯舜之大孝武王之達孝不是
過也茲欲躬詣

山陵稍展孝思 臣等仰體

聖心敢不恭承但思我

皇上為天下臣民之主親政以來因革損益各當

天心

太祖

太宗在天之靈必然欣慰見今南方用兵吏治尚未全飭

民生尚未全寧一日萬幾靡不出自

親裁若

聖駕遠行奏報未免稽遲稍需歲月再議舉行亦不為晚

伏望

皇上以

太祖

太宗安定天下之心為心天下太平百姓歌詠

聖德即是

太祖

太宗之德永永與

天罔極其爲

聖孝更大矣疏入得

旨覽王等奏欲朕以

太祖

太宗安定天下之心爲心具見爲國惴惴但朕追念

深恩昊天罔極顧瞻

山陵以日爲年卽今未可必行擬於來年躬詣爾諸王大

臣勿阻朕誠禮部屆期預行擇吉具奏至是年三月丙

申和碩承澤親王碩塞等奏言近承

聖諭擇期躬詣

太祖

太宗山陵仰見

皇上睽懷罔極之孝思但近因畿內水災方遣大臣賑濟

又南方弗靖屢發禁兵若

聖駕遠行旦夕奏報未免稽遲仍當稍緩俟南征大兵回

京方可恭謁疏入得

旨朕瞻仰

山陵久思恭謁慕戀之誠無忘寤寐四月內朕必親往已

聖駕恭詣

山陵奉

肯定於四月十五日啟行但經行郡縣值民間粒食方艱

恐難供應伏願稍需日月俟物力少紓然後恭謁

旨朕本欲早謁

山陵以抒戀慕今覽王等奏暫停此舉俟於七月間行七

諭禮部朕方在冲齡卽值

先帝晏駕終天抱恨時刻靡諉夢想音容涕泗橫集自元

年定鼎以來綏輯多方焦心勞思不遑寧晷顧瞻

陵寢邈在天涯雖歲時祭祀齋沐遣官而朕躬未行恭謁

追慕之殷以日為歲每臨餐廢箸中夜以興所以擇吉

東行必不獲已茲復思

太祖

太宗創造丕基付託朕躬續承匪易目今方隅未靖師旅

繁興兼之旱澇頻仍小民失所一應養兵恤民措置規

皇明文獻通考

卷一百五十三

三

皇朝文獻通考 卷二百五十三 三
蓋朕與諸司夙夜圖維猶虞不給東行往返未免延曠
時日有稽政務欲專心化理則難展至情若亟遂孝思
又慮乖民望再四躊躇我

太祖

太宗原以天下生民為念如天下未安無以慰

太祖

太宗在天之靈朕心亦何能安為此今歲停止東行俟他

年有暇再行展謁爾部即行傳知至是遣輔國公班布

爾善等恭代致祭

福陵祝文曰恭荷

皇祖考

皇祖妣鴻庥獲承

天眷慶衍眇躬繼登大位十有一年翹望

山陵曷勝瞻戀頃於八月謹卜吉期虔申祭謁第念

太祖

太宗創興大業及茲續承付託甚重今者方隅未靖水旱

頻仍生民未得其所凡恤兵養民籌度未遑誠慮往來

道遠動需時日或致有誤國事上負

皇祖考 皇祖妣 安天下之至意用是勉從羣議暫止茲行俟歲

之暇必當躬往反覆思維不勝愴慕中心感傷茲遣官

恭代用將悃誠伏祈

神靈昭鑒

昭陵祝文同 十五年十二月禮部議凡官員有以他事赴

盛京者三品以上於

皇陵城門外行禮不得入門遇祭祀日二品以上大臣許

入門同守

陵各官侍班從之 十七年派宗室覺羅數人居

盛京每祭

陵日令其行禮

康熙二年十一月禮部題

福陵

昭陵

孝陵四季大祭恭奉其

皇陵

皇陵

皇陵

皇陵

皇陵

皇朝文獻通考 卷一百五十三
神牌安設寶座致祭其

聖誕忌辰十月朔及每月朔望祭祀既無祝帛應不動
神牌揭幔祭獻從之

三年正月更定王以下三品官以上謁

陵禮儀禮部議王以下三品官員以上有事往

盛京至

福陵

昭陵祇謁者應於城門外行禮開城門

盛京禮部官同看守值班官員導引進謁來時不必

進謁若往

孝陵王以下三品官以上應於

享殿大門外行禮開

享殿大門

陵上禮部官同看守值班官員導引進謁來時不必進謁
至往湯泉養疾者詣

陵進謁應准行禮若遇祭祀供獻不必隨班行禮得

旨王貝勒行禮開殿門城門貝子以下三品官員以上行

禮不必開門餘依議

定清明節上土儀每歲清明於各

陵上土十有三擔承祭官總管關防官率官兵共十有三

寶頂上土預於界外取土貯

陵垣潔淨處候用

又定

陵寢祭享易豕為羊並酌定祭品

八年停止宗室覺羅居住

盛京每年

四陵四時大祭遣多羅貝勒以下奉國將軍覺羅男爵以

上前往致祭

九年八月丁酉

聖祖仁皇帝奉

太皇太后

皇太后啟行恭謁

孝陵乙巳行祇謁禮丙午

上詣

隆恩殿大祭丁未詣

二月丁酉

三月

寶城前致祭先是閏二月丁巳
諭禮部

皇考升遐倏經十載罔極之思時恫於懷

山陵在望未一展祭尤切悽愴朕擬於今歲八月恭行謁
陵禮又奉

太皇太后旨思念情殷亦欲詣

陵朕敬遵

慈命躬侍前往應行典禮兩部詳議具奏及謁

陵之日

太皇太后

仁憲皇太后

孝誠仁皇后公主等先行

太皇太后駕入

隆恩門至

明樓階前降輿

仁憲皇太后駕入

隆恩門至

隆恩殿階東南降輿

皇朝文獻通考 卷二百五十三
孝誠仁皇后至

隆恩門燎爐旁降輿公主等至

隆恩門外階下車馬扈從婦女至三洞橋迤南下車馬

太皇太后於方城上東旁坐祭酒舉哀

仁憲皇太后率

孝誠仁皇后暨公主等於

明樓前正中行六肅三跪三拜禮隨舉哀祭酒時行三拜

禮畢奉

太皇太后陞輿還

行宮

聖祖仁皇帝至下馬石牌降騎王以下各官均在五洞橋

迤北下馬恭謁行禮出乘騎還

行宮次日於

隆恩殿行大饗禮又次日於

寶城前設黃幄行焚楮帛讀文致祭禮恭奉

太皇太后

仁憲皇太后率

孝誠仁皇后公主等先行至

寶城前太常官讀祭文

聖祖仁皇帝祭酒行禮王以下各官於

陵寢門外均隨行禮如儀禮成

聖祖仁皇帝御行宮守

陵官員行朝見禮

臣等謹按康熙九年以後

聖祖仁皇帝恭謁

孝陵二十七年以後恭謁

孝莊文皇后暫安奉殿皆歲或一行或至再三

聖孝淳深禮儀頻復史氏已詳書之茲考謹以其儀制初

定或復更易者登載於編

世宗憲皇帝恭謁

昭西陵

孝陵

孝東陵

景陵暨

皇上恭謁

昭西陵

孝陵

孝東陵

景陵

泰陵其紀載之法敬從前例

十年九月

聖祖仁皇帝恭謁

福陵

昭陵行告成禮先是九年九月丙辰至再二

諭禮部

太祖高皇帝創建鴻圖肇興景運

太宗文皇帝丕基式廓大業克宏迨

世祖章皇帝誕昭功德統一寰區卽欲躬詣

太祖

太宗山陵以天下一統致告用展孝思因盜賊未靖師旅

繁興暫停往謁朕以眇躬纘承鴻緒上託

祖宗隆庥天下底定盜賊戢寧兵戈偃息每念

皇考未竟之志朝夕寢食不遑寧處本欲先詣

太祖未竟之志雖又寡食不致豐國本始於此

太宗山陵再詣 泣守益想遺聖之文勤思每念

世祖山陵因奉 哀思以仰張靈承斷蘇土詣

太皇太后慈命以一絲延吉用與幸思因益想未嘗不

世祖升遐十年未得一詣

陵寢於本年八月前往朕是以恭侍 宿願詣

太皇太后先詣 奉左廟大業京安食

孝陵展謁禮成言旋今欲仰體

皇考前志躬詣

太祖 朕之身親不父具 禮習於朝出今思

太宗山陵以告成功展朕孝思著議政王貝勒大臣內院

九卿科道掌印不掌印各官會議具奏庚申議政王大

臣等議言今歲北地苦旱南方患水兼之黃運二

河大興工役

皇上已於八月內躬詣

孝陵今復往謁

二陵路途遙遠凡一應所用之物預備難及請暫停恭謁

得

皇朝文獻通考 卷一百三十三 三
旨謁

陵典禮關係甚大今年暫行停止其舉行日期著候旨行

至是年正月甲子

諭禮部朕仰體

世祖章皇帝遺志欲躬詣

太祖

太宗山陵展祭以告成功前命議政王貝勒大臣等會議
議政王等以去年各處多有水旱災荒且爲時甚迫應
用之物預備不及具題暫行停止今思

太祖

太宗創業垂統功德隆盛

山陵在望刻不能忘去年恭謁

孝陵禮成今已數月若再久延孝思莫殫朕懷靡寧茲當

海內無事欲乘此躬詣

福陵

昭陵以告成功用展孝思事關大典著議政王貝勒大臣

內閣九卿科道各官會議具奏兩部卽遵諭行啟行之

前一日

聖祖仁皇帝躬詣

太廟行祇告禮次日

啟鑾設騎駕鹵簿不作樂至日恭謁

福陵行禮畢隨恭謁

昭陵行禮次日恭謁

福陵

昭陵隆恩殿行大饗禮又次日於

福陵

昭陵隆恩殿前設黃幄焚楮帛行讀文致祭禮禮成還宮

先期鴻臚寺題請守

陵官員暨

盛京文武各官咸朝服於

崇政殿前序立行三跪九叩禮又命守

陵官員

盛京官員並老疾休致候補官員咸朝服於

大清門兩旁分翼齊集設騎駕鹵簿於

大清門前

聖祖仁皇帝御門陞座作樂

賜燕頌賞畢各官均行三跪九叩禮次頌賞守

陵官軍

盛京官軍及老疾辭退官軍等畢

聖駕回行宮遣王暨內大臣前詣

永陵致祭祭

福陵

昭陵時

諸妃園寢亦照常致祭頌親王薩哈廉克勤郡王岳託
功臣直義公費英東宏毅公額宜都武勳王揚古

利忠義公圖爾格墓各遣大臣祭酒

回鑾時率王以下各官恭詣

福陵

昭陵行告成禮是日不啟正門

聖祖仁皇帝進旁門下馬諸王於旁門外下馬各官於紅

椿前下馬

聖駕回鑾設儀仗作樂經過地方官咸朝服跪迎

聖祖仁皇帝往返均詣

孝陵祭酒行禮至京日恭詣

太廟行祇告禮畢還宮次日王以下文武各官進表慶賀
頒詔天下

十五年定

陵寢祭品祭儀議准

陵寢供獻酌定用五十盤

今六十盤

每年清明孟秋望冬至

歲暮

陵寢各遣官一人陳太牢俎豆上香奠帛獻爵讀文致祭

遣官由宗人府具題三月十八日

萬壽聖節及十月朔

陵寢獻酒果不讀祝奠帛遣守

陵官上香行禮各

陵寢忌辰行禮同以上由太常寺具題每月朔望

陵寢各獻羊一果實十二盤守

陵官上香行禮

十八年七月宗人府議准

盛京

三陵每年四時祭祀令

盛京將軍副都統侍郎內派出致祭

孝陵仍遣在京大臣致祭如有大事致祭

四陵俱於和碩親王以下鎮國將軍及文武大臣內遣祭

二十一年三月辛酉奉移

仁孝皇后入平定民宗人御請部

孝昭皇后梓宮安葬辛巳

上謁

孝陵行禮次至

仁孝皇后

孝昭皇后陵命

皇子等行禮奠酒自是年始 聖駕謁 皇后陵奠酒

儀

十一月甲子

上以雲南報捷恭謁

孝陵行禮次至

仁孝皇后

孝昭皇后陵奠酒丁卯行大祭禮

二十一年二月

上以雲南底定親詣

永陵

福陵

昭陵告祭行禮啟行前一日祇告

奉先殿所過州縣守土官迎送如儀過遵化州遣郡王各

一人祭告

孝陵及

仁孝皇后

孝昭皇后陵

上仍親詣奠酒三月壬子恭謁

福陵

昭陵癸丑恭詣

福陵寶城前大祭焚楮帛讀文甲寅詣

福陵隆恩殿行大祭禮乙卯詣

昭陵寶城前大祭焚楮帛讀文丙辰詣

昭陵隆恩殿行大祭禮儀與康熙十年同

壽康太妃先禩王恩古休直養公費英東安邊公隆宜

襄妃成慶王恩王恩恭王恩恭王恩恭王恩恭王恩恭王

懿靖大貴妃園寢

上皆親詣奠酒

康惠淑妃以下遣王等祭酒穎親王薩哈廉克勤郡王
岳託武勳王揚古利直義公費英東宏毅公額宜
都忠義公圖爾格墓遣大臣讀文致祭多羅靖定
貝勒飛揚武多羅安平貝勒杜度鎮國公馬占碩
翁科洛巴圖魯圖魯什輔國公塔拜鎮國將軍聶
克塞鎮國將軍湯五泰鎮國將軍慕爾察都統納
穆泰都統楞額禮大學士達海巴克什大學士雅
秦都統達爾哈額駙內大臣伊爾登尙書薩穆什

哈領侍衛內大臣精奇尼哈番多爾濟內大臣諾
爾布占圖謝士二等伯明阿都統覺羅拖博輝原
列五大臣內碩翁科洛巴圖魯尙書伊孫額駙李
永芳都統博爾金侍衛內大臣宗室額克泰盛京
按班章京葉克書尙書冀孫內大臣公常鼐一等
精奇尼哈番巴奇蘭精奇尼哈番侍衛席爾巴隨
從

太宗文皇帝安達理敦達理尙書車爾格盛京將軍阿穆
圖內大臣覺羅色勒尙書馬福塔墓俱遣官奠酒

東京達爾漢巴圖魯親王舒爾哈齊卓禮克圖貝勒巴雅喇墓亦遣大臣往奠已未

駕至興京展謁

永陵親王以下一等待衛三品官以上咸素服隨行禮由

左門入至臺階下拜位行謁見禮其次日行大饗

禮儀與前兩金卦滿內大臣宗室賚爾察爾

福陵

改五大臣內蘇倫保察巴圖魯尚書等

昭陵禮同古圖博土一等伯阿爾賽

永陵內武功郡王禮敦巴圖魯恪恭貝勒塔察篇古墓遣

大臣於

殿外兩旁設筵致祭復遣官祭

陵寢附近地方覺羅祖墓禮成賞賚

永陵居住官員兵丁各有差次詣黑龍江地方望祭

長白山率諸王百官行禮四月丙申以

回鑾恭詣

福陵

昭陵奠酒五月庚戌至遵化州復詣

孝陵奠酒次至

仁孝皇后

孝昭皇后陵奠酒

聖駕回京日祇告

奉洗殿其王以下文武各官表賀奉

旨停止

二十二年十一月庚寅

上以平定海寇親詣

孝陵行禮次至

仁孝皇后

孝昭皇后陵奠酒辛卯行告祭禮

十二月宗人府議准嗣後

孝陵

仁孝皇后

孝昭皇后陵四時祭祀及遇大事致祭

四陵俱將和碩親王以下宗室公以上派出遣祭

二十七年四月庚申奉移

太皇太后梓宮於

暫安奉殿

五月丙申

上謁

暫安奉殿距

陵十里許

上哀不能禁沿途哭泣詣

暫安奉殿行禮奠酒痛哭良久出

殿後乘馬行猶涕泣不止次謁

孝陵行禮次至

仁孝皇后

孝昭皇后陵奠酒丁酉

上復詣

暫安奉殿痛哭良久始出

自是年始

暫安奉殿次謁

聖駕謁

孝陵

儀同

二十八年十月癸未奉安

孝懿皇后梓宮於陵寢癸巳

上詣

暫安奉殿

孝陵奠酒又至

仁孝皇后

孝昭皇后

孝懿皇后陵舉哀

三十二年十一月乙巳

上奉

皇太后謁

暫安奉殿

孝陵行禮次至

仁孝皇后

孝昭皇后

孝懿皇后陵奠酒

三十五年二月丁亥朔

上以親征噶爾丹謁

暫安奉殿

孝陵行禮次至

仁孝皇后

孝昭皇后

孝懿皇后陵奠酒

仁孝皇后

孝昭皇后

孝懿皇后陵舉哀

三十二年十一月乙巳

上奉

皇太后謁

暫安奉殿

孝陵行禮次至

仁孝皇后

孝昭皇后

孝懿皇后陵奠酒

三十五年二月丁亥朔

上以親征噶爾丹謁

暫安奉殿

孝陵行禮次至

仁孝皇后

孝昭皇后

孝懿皇后陵奠酒

三十六年十月

諭曰

暫安奉殿非係山陵地方既近嗣後凡忌辰致祭著照四時大饗禮行

三十七年七月辛丑

上以親征平定噶爾丹恭奉

皇太后詣

盛京謁

陵告祭先期

諭大學士等曰朕三次親征剿滅噶爾丹皆

祖宗庇佑所致朕奉

皇太后躬詣

盛京謁

陵告祭但此時秋禾盛長若由山海關而行恐致踐踏田畝可取道口外前往及

啟鑾出古北口經蒙古諸部落至松花江及吉林烏喇之

地九月癸丑

駕至

皇朝文獻通考 卷一百五十三
興京甲寅展謁

永陵行禮遣官至武功郡王禮敦巴圖魯恪恭貝勒塔察

篇古墓奠酒賜守

陵官兵銀幣差丙辰至

盛京丁巳展謁

福陵

昭陵次日戊午詣

福陵隆恩殿大祭

諭內大臣等曰開國佐運動臣揚古利費英東額亦都三

人効力甚可嘉尙此三人墓朕祭

昭陵之日親臨奠酒其餘諸臣効力亦屬可嘉康熙二十

一年曾經祭奠者照前舉行額親王薩哈廉克勤郡王

岳託等墓各遣大臣致祭尋揚古利費英東額亦都之

子孫公福善等奏請停土

親臨奠酒

上諭之曰

太祖

太宗開國定鼎爾祖佐輔勲勞卽爾等亦不能詳悉朕時

閱

實錄知爾等之祖於開創時功績懋著深屬可嘉朕既來

謁

陵必當臨爾祖墓奠酒爾等毋庸再奏次日己未

上詣

昭陵隆恩殿大祭畢

親臨武勳王揚古利直義公費英東宏毅公額宜都墓設

牀偏西北向

上坐牀上置奠池各奠酒三卮隨從王大臣侍衛等及勳

臣子孫皆於墳院內叩頭賜守

陵官員人等銀幣有差

駕回鑾入山海關十一月辛巳謁

暫安奉殿

孝陵行禮次至

仁孝皇后

孝昭皇后

孝懿皇后陵奠酒禮成奉

皇太后回京

四十八年二月丁卯

孝昭皇后忌辰前一日遣官致祭

陵寢前期禮臣奏二月二十六日清明祭

陵之期是日值

孝昭皇后忌辰例應致祭查從前並無二祭相值之日且

忌辰無祭文今或於前一日致祭或二祭並於一

日伏候

欽定得

旨著前期一日致祭

五十七年四月乙酉奉安

孝惠章皇后梓宮於新陵地宮

十二月壬戌

上謁

孝惠章皇后陵奠酒讀文致祭畢旋詣

暫安奉殿

孝陵舉哀奠酒行禮如常儀

六十年正月乙亥

上以御極六十年大慶命

皇四子和碩雍親王

世宗 憲皇帝廟諱

皇十二子固山貝子允禔世子弘晟恭代祭告

永陵

福陵

昭陵先是五十九年十二月

諭大學士等曰諸王大臣為朕在位六十年奏請慶賀而

於典禮之大者並未議及朕在位六十年皆

祖宗積德陰佑所致幸而六十年來一無所失應先往盛

京

五十九年四月二十四日

三陵行大祭典禮但朕今年近七旬不能親謁

三陵應遣阿哥等恭代告祭俟上元節後朕親往

孝陵恭行大祭典禮其祭

陵撰文即將朕旨纂入

二月乙巳

上以御極六十年大慶恭謁

暫安奉殿

孝陵

孝東陵行禮次至

在孝皇后

孝昭皇后

孝懿皇后陵奠酒丁未行大祭禮先是正月丁亥文武諸

大臣公奏言

皇上以御極六十年大慶欲

親詣

陵寢告祭誠

聖孝之至意第

皇上足病初愈冒寒遠行恐勞

聖體懇祈停止謁

陵

上諭曰朕前兩次欲親祭

陵寢皆因諸大臣勸阻未行至今猶自追悔爾等勸朕不

去朕即不去至三月時諸臣若勸朕陞殿行慶賀禮朕

亦借風寒不准所請可也文武諸大臣又再四懇請

上終不允

雍正元年四月辛亥

世宗憲皇帝恭謁

暫安奉殿

孝陵

孝東陵行禮次詣

仁孝皇后

孝昭皇后

孝懿皇后陵行禮是日奉安

聖祖仁皇帝梓宮於

景陵饗殿

八月辛未

上恭謁

暫安奉殿

孝陵

孝東陵行禮遂至

景陵饗殿行禮

三年十一月丙午

上恭謁

昭西陵

孝陵

孝東陵

景陵行禮

嗣後

聖駕恭謁

昭西陵次謁

景

同 陵儀

四年十一月定

聖祖仁皇帝忌辰致祭儀

諭禮部曰

皇考聖祖仁皇帝三年大禮已滿朕追念罔極深恩欲於皇考忌辰每歲遵照三年內祭禮舉行朕終身永慕豈三年祭禮所能限况億萬臣民感戴

皇考深仁厚澤自古帝王罕能比並一切禮儀亦非定制

所得拘也朕與行此禮自展思慕誠切之衷至於舊制台否皆不違計此禮亦惟朕躬特行於我

皇考後世子孫不必奉為成例應行禮儀該部議奏尋禮

部議每年

聖祖仁皇帝忌辰照周年祭祀例讀文致祭其內務府禮

部工部太常寺光祿寺及有執事各該衙門先期

奏請遣堂官前往屆期於在京王公大臣內或

陵寢王公大臣內恭候

欽命一人主祭在京王公各官三分之一遣往陪祭永遠

遵行

五年七月丙辰更定

昭西陵帷幄用明黃色

諭禮部曰

昭西陵帷幄用金黃色

孝東陵帷幄用明黃色

陵寢神龕寶座供奉之物理應同色但供奉多年不敢輕

易更換俟年代久遠遇應更換之時著俱用明黃色

八年十一月丙子以

聖祖仁皇帝忌辰先期致祭是歲十一月十三日冬至先

期於十一日行周年致祭禮

皇朝文獻通考卷一百五十三

康熙二十一日

皇帝

皇朝文獻通考卷一百五十四

王禮考 三十

山陵

上

雍正十三年十月更定

列祖

列后忌辰致祭

陵寢儀是月戊寅

皇上諭王大臣等曰據禮部以十一月十三日恭遇

皇祖聖祖仁皇帝忌辰或照

皇朝文獻通考 卷二百五十四
陵寢忌辰祭祀禮致祭或照四時大祭禮致祭之處具奏

朕思

皇考誠孝純篤哀慕無窮三年之後每遇

聖祖仁皇帝忌辰於

景陵祭祀之禮特加隆備並降

諭旨謂此禮惟朕躬特行之於

皇考後世子孫不得奉爲成例但朕仰體

皇考孝思於

皇祖聖祖仁皇帝忌辰祭祀之禮意欲仍照舊例舉行至

於率親率祖理本同原孝饗明禋不容或異嗣後恭
遇

列祖

列后忌辰應否遵照致祭

景陵之禮一體舉行以展報本追遠之意王大臣會同禮

部定議具奏尋王大臣集議享祀固在備物而典禮

尤貴酌中謹按各

陵寢四時大祭牲用太牢獻帛爵讀祝文致祭於

隆恩殿具朝服行禮從前

聖祖仁皇帝於

孝莊文皇后忌辰此禮行之最久原與各陵祭
陵忌辰祭祀之禮不同至遇

聖祖仁皇帝忌辰致祭大臣奏請聖祖仁皇帝
景陵乃奉

大行皇帝諭旨於定例外仍照週年禮致祭是以又有不
得奉為成例之

旨謹詳酌典禮今十一月十三日

聖祖仁皇帝忌辰應照

陵寢四時大祭用太牢獻帛爵讀祝文遣官承祭其承祭
官暨執事官照例具朝服行禮陪祀大臣官員停
其由京遣往在

陵官員咸令陪祀祝文交翰林院撰擬進呈永遠遵行嗣
後恭遇

列祖

列后忌辰均照

陵寢四時大祭禮舉行從之

乾隆元年正月癸亥

皇朝文獻通考卷二百五十四
上恭謁

昭西陵

孝陵

孝東陵

景陵行禮奠酒舉哀

賜總管及文武大臣官員兵丁等緞疋銀兩有差

諭王大臣等曰朕恭謁

祖陵敬瞻

廟宇規模崇整妥侑攸昭惟是楹題丹雘多閱年所似應

重加藻飾以肅觀瞻但

陵寢關係重大宜詳稽典制敬謹酌議方可舉行朕思

祖宗福祚綿長萬年垂裕

山陵廟貌

靈爽式憑爲子孫者以時修葺庶足以展孝思如典制應
行則追遠崇先誼當均切

永陵

福陵

昭陵殿宇並應一體修繕著總理事務王大臣敬謹定議

具奏

二年十月辛卯

上以修理

陵寢工程告竣恭謁

昭西陵

孝陵

孝東陵

景陵行禮壬辰遣官祭

昭西陵

孝陵

孝東陵

上親詣

景陵致祭

三年二月戊戌

上以清明節恭詣

泰陵展謁行禮是日

駕未至碑亭卽降輦慟哭步入

隆恩門至

寶城前行禮奠酒哀慟良久次日

躬祭

泰陵未至碑亭卽下輦步入

隆恩門至

隆恩殿行禮畢復詣

寶城前奠酒舉哀

嗣後

聖駕謁

陵祭

更定清明上土儀禮臣議言清明節

山陵增土因沿前明舊制但負土十三擔往來二十餘次似覺煩數且十三擔並無取義恭擬每年清明於

各

陵皆增土一擔由西磴道升至石柵并爲一筐但令承祭

官一人敬謹奉筐而升祇跪上土於

寶頂仍由西磴道降庶踐履不致多人而保護鞏固之意

益昭誠敬矣從之

四年九月庚申

上奉

皇太后恭謁

昭西陵

孝陵

孝東陵

景陵行禮先是三年十一月庚午

諭王大臣九卿等曰上年修理

三陵工程告竣朕特降諭旨躬親展謁經王大臣九卿等

議於來年秋間前往嗣奉

皇太后懿旨朕詣盛京時

皇太后亦親往恭謁

祖陵正擬降旨交王大臣等會議今思近年畿輔收成歉

薄雖行營一切所需俱係官辦絲毫不以累民而沿

途經過地方預先購備如米糧草束之類恐致價值

高昂於民間未便應俟豐稔之年朕另降諭旨前往

展謁至是年九月庚戌

諭曰朕奉

皇太后懿旨欲叩謁

祖陵以展誠切朕奏奉天路遠且俟一二年之後今年請

先謁

孝陵

景陵行禮已蒙

俞允其起程日期著欽天監選擇具奏一切應行事宜著

各該衙門先期備辦至是

上奉

皇太后展謁如謁

泰陵儀

八年七月

上奉

皇太后駕往

盛京恭謁

祖陵先期大學士等議言

永陵殿宇稍狹拜褥照例鋪設

殿外其降

神之初應請

皇上躬親上香以展誠孝以達馨聞再舊例祭

昭陵因帛案前隙地狹窄原有跪獻帛畢擇隙地行三拜

之例似與典禮未協恭按各

陵隆恩殿大祭原與

太廟禮同會典載

躬饗

太廟獻帛官跪獻帛三叩獻爵官立獻畢各退並未載有親獻禮儀此次

皇上恭謁

祖陵請遵照

太廟親祭典禮行從之啟行前一日

親詣

奉先殿祇告啟

鑾日陳騎駕鹵簿

車駕經過沿途文武官各常服於道右跪迎如儀九月

乙未

駕至

興京恭謁

永陵儀與康熙二十一年禮同次日丙申行大饗禮如儀

禮畢

頒賞守

陵官員兵丁等有差是呂

永陵內附葬之武功郡王禮敦巴圖魯恪恭貝勒塔察篇
古墓各遣官致祭附近之覺羅等祖塋皆遣官往

奠辛丑

駕至

盛京恭謁

福陵儀與康熙十年禮同次日壬寅行大饗禮畢卽往謁
昭陵儀與謁

福陵同

壽康太妃

宸妃

懿靖太貴妃

康惠淑妃並公主園寢各遣官致祭

皇太后謁

陵儀與康熙三十七年禮同

躬謁

祖陵禮成擇日

親臨功臣之墓奉

旨朕親奠克勤郡王等園寢據禮部援引

皇祖聖祖親奠功臣墳墓之例隨駕之皇子王等皆隨行禮此次隨駕之皇子王貝勒等應隨行禮具奏朕已降旨依議竊思從前之隨駕皇子王等皆係

皇祖子孫是以均隨行禮此次隨行之王貝勒內有朕之叔輩或朕之兄弟輩非從前之隨駕皇子王等可比每祭酒時亦隨行禮似屬未便朕親臨祭酒功臣卽爲榮寵之至克勤王園寢王貝勒等仍隨往功臣揚古利等墳墓不必隨往此後朕之子孫若隨來朕降旨遵行再蒙古王額駙王大臣墳墓皆不必隨往著

令禮部記載是日

親臨克勒郡王功臣揚古利費英東額亦都之墳各祭酒三爵又親王貝勒以及大臣等墓以次遣官往奠翼日禮部奏請遣官往祭

長白山

北鎮醫巫閭山及

遼太祖陵

同鑾次日

皇上親詣

奉先殿告祭越二日禮部奏請行慶賀禮儀與三大節朝

賀同

臣等謹按

國家創業遼瀋

祖功

宗德積累發祥

聖祖仁皇帝三謁

祖陵典禮丕昭

皇上紹衣

先德以八年秋吉祇奉

皇太后鑾輿展謁

三陵禮成慶洽自

啟行迄

回鑾百有八日

德音善政美不勝書敬奉

慈闈

躬進甘旨問安視膳歷四月如一日則

孝養之隆也

駕幸塞外諸藩部落奔走恐後

賜予便蕃慰勞周至則懷遠之恩也

飭隨行軍士毋踐田禾經過州縣賜復一年則愛民之惠也

念隨從官軍及商賈等行騎或至疲乏輒停

鑾休息復慮行營米糧或缺發倉米三千石分

賜扈從則逮下之仁也沿途設臺站三十郵遞章奏閣

本三日一發隨時批閱曾無停晷勤於政事如此

經葉赫遺墟追維

高皇帝肇基服衆之所賦詩紀事

盛京奉貯

太祖

太宗遺留弓矢捧翫移時永懷

先澤又如此每

駐蹕之後與禁衛較射發無不中大獮合圍獲禽無算

親撰世德舞辭十章授之工歌爲

陪京賜宴之用

御製盛京賦三千餘言誌沮漆之士宜述幽岐之王業

奎章炳蔚上婉典謨至十有九年載舉展謁

祖陵之典一如故事四十三年及四十八年又復

躬謁

祖陵以申誠孝他如葺

壇

廟繕城垣凡所舉行前兩巡皆未及

大孝所推益宏遠矣

臨御五十年來計已四詣

盛京熟覽川原之形勝迴思

開創之艱難吟咏成詩垂為法守此誠歷考帝王繼志述

事未有若斯之盛者也

十四年三月甲子

上以金川平定恭謁

昭西陵

孝陵

孝東陵

景陵行禮次至朱華山

皇朝文獻通考 卷三百五十四
端慧皇太子

悼敏皇太子園寢酌酒癸酉恭謁

泰陵行禮先是二月癸巳

諭曰金川大兵奏捷番酋歸誠皆蒙

列祖

皇考在天之靈默佑朕躬致此嘉慶理宜展謁

陵寢以告成功擬於三月十三日起程恭謁

孝陵

景陵禮畢卽由馬蘭峪前往易州恭謁

泰陵所有應行一切事宜各衙門照例敬謹預備

十五年八月庚寅

上以

冊立皇后禮成奉

皇太后恭謁

昭西陵

孝陵

孝東陵

景陵行禮九月壬寅奉

皇太后恭謁

泰陵行禮先期

諭曰朕恭承

慈命繼冊中宮慶典既成禮宜躬率皇后祇謁

先陵以展孝忱以資

福佑茲于八月十七日自京師啟程恭詣

景陵行禮旋由海子西至

泰陵行禮畢取道保陽巡幸豫省所有應行典禮所司敬

謹預備

十七年十月壬子

上恭謁

昭西陵

孝陵

孝東陵

景陵行禮畢次至

孝賢皇后梓宮前奠酒甲寅奉安

孝賢皇后梓宮於陵寢

嗣後西陵

聖駕恭謁

孝陵

孝東

陵

景陵禮畢至

孝賢皇后陵奠酒儀同

十九年七月

上奉

皇太后駕往

盛京恭謁

祖陵是月壬午白

避暑山莊啟行八月乙卯

駕至吉林温德亨山望祭

長白山至松花江祭

江神九月辛巳至

興京謁

永陵次日行大饗禮

賞守

陵官員兵丁遣官致祭附墓之武功郡王恪恭貝勒墓暨

附近之覺羅等祖塋丙戌

駕至

盛京先謁

福陵次謁

昭陵於次日行大饗禮

賞守

陵官員兵丁遣官致祭

壽康太妃

宸妃

懿靖太貴妃

康惠淑妃並公主園寢禮儀均與八年同

皇太后謁

三陵行禮並如八年儀又遣官致祭克勤郡王功臣揚古

興利費英東額亦都墓

親祭

北鎮醫巫閭山遣官祭

遼太祖陵禮成

回鑾

御太和殿行慶賀禮如儀是年議准展謁

祖陵之日

皇上素服行禮大祭日

皇上禮服陪祀及執事大臣官員咸朝服

二十年五月以平定準噶爾遣

皇朝文獻通考 卷三百三十四 禮考 十一
皇子代行祭告

山陵是月壬辰

諭曰平定準噶爾捷聞此皆仰蒙

皇祖

皇考謨烈顯承

福貽宗社故得膚功迅奏荒服牧寧理應敬詣

橋山躬申告祭因今春甫經展謁而目下青苗彌望農事

方殷車駕所經恐滋踐踏然朕仰慰

先靈之意實切於衷告

廟之典宜躬詣行禮

孝陵著遣皇子永璋

景陵著遣皇子永城

泰陵著遣皇子永琪前往代行告祭所有應行預備事宜

著各該衙門速行預備癸巳

諭曰準噶爾用兵一事上年朕詣盛京恭謁

祖陵時具已虔誠默禱今仰邀

列祖福祐迅奏膚功荒服牧寧慶洽中外實我大清萬年

宗社無疆之福理應告祭

皇朝文獻通考 卷二百五十四
三陵躬申謝悃惟是東巡尙未逾歲不欲以清塵除道重煩我邠岐父老

永陵著派皇子永璋

福陵著派皇子永琪

昭陵著派皇子永城代行告祭禮今秋諸皇子隨侍熱河卽就近取道前往俾其周歷遼瀋仰思

祖宗肇興之烈禮成後並可於奉天行圍較獵用習武事而昭

家法所有應行預備事宜著行文各該衙門照例辦理

二十五年二月丙戌

上以回部平定恭謁

昭西陵

孝陵

孝東陵

景陵行禮次至

孝賢皇后寶城前奠酒已亥恭謁

泰陵行禮先是二十四年十月

諭曰將軍富德等奏報拔達山汗素爾坦沙將小和卓

皇朝文獻通考 卷二百五十四
木霍集占逆屍獻出並生擒之俘馳送京師殊勲克
奏茂典應修恭惟盛京

三陵理宜親詣叩謝但以序屆冬寒恐勤屬車之衆特遣
親王前往恭代

東陵

西陵卽擬恭赴展謁而計程往返適屆

慈寧萬壽慶辰以明年獻歲諏日親詣行禮

二十六年二月甲申

上奉

皇太后恭謁

泰陵行禮先是二十五年八月

諭曰明年恭逢

皇太后七旬萬壽欽奉

懿旨來歲春和虔諏吉日祇謁

泰陵用申誠悃欽此所有應行典禮著該衙門照例敬謹

預備

三十一年二月

上恭謁

昭西陵

孝陵

孝東陵

景陵禮成詣

孝賢皇后陵寢酌酒是月謁

泰陵行禮

三十三年二月

上恭謁

泰陵行禮

上以是年六旬萬壽慶節恭謁

三十五年二月

昭西陵

孝陵

孝東陵

景陵行禮詣

壽祺皇貴太妃

溫惠皇貴太妃

孝賢皇后陵寢酌酒三月謁

皇朝文獻通考 卷二百五十四
三
泰陵行禮

三十八年三月

上以奉

皇太后巡幸天津恭謁

泰陵行禮

三十九年二月

上恭謁

昭西陵

孝陵

孝東陵

景陵行禮詣

孝賢皇后陵寢酌酒

四十一年二月

上以金川蕩平用展告功之禮謁

昭西陵

孝陵

孝東陵

景陵行禮詣

皇朝文獻通考 卷二百五十四
孝賢皇后陵寢酌酒

四十二年九月

上恭謁

泰陵

泰東陵行禮

四十三年七月

上東巡盛京恭謁

祖陵先是四十二年九月

諭曰盛京乃我朝定都創業之地

永陵

福陵

昭陵巍然在望

皇祖聖祖仁皇帝御極六十一年曾經三次展謁

孝思追遠常切欽承朕自乾隆八年及十九年恭謁

祖陵以來迄今已二十餘年遙企

橋山每深依戀常時恭閱

太祖

太宗實錄敬惟

開創艱難

佑啟萬年統緒茲際

重熙累洽之庶溯念

前勞輒不禁愀然淚下而

松雲蔥鬱向惟再莅瞻仰心甚歉焉朕現在精力如前尙

堪遠涉擬於明歲秋間前詣盛京恭謁

祖陵以申積悃所有駐蹕往來俱由內地出山海關而行
於置頓安營較爲妥便尙在二十七月之內途次不
行圍至盛京時不陞殿不筵宴朝鮮國毋庸遣使朝

賀其扎薩克蒙古三公等亦毋庸朝覲至啟鑾日期

屆時再降諭旨將此通諭知之至是年二月

諭曰朕於今秋恭謁

祖陵因至盛京時不陞殿不筵宴會降旨令朝鮮國毋庸

遣使朝賀今據禮部奏該國王以舉國臣民瞻依倍

切欲仍照往例遣陪臣祇候陳請轉奏情辭懇切恭

順可嘉著准其遣人至盛京請安毋庸進貢不必差

遣多人亦不賜宴也該部咨該國王知之五月

諭曰朕前詣盛京恭謁

永陵

福陵

昭陵於七月二十日啟鑾所有一切應行事宜各該衙門

敬謹預備至是

啟鑾

四十三年八月己未

諭曰海爲衆水朝宗最昭靈應乃各處

海神咸有廟祀惟

北海自山海關至盛京一帶向未專建廟宇以隆禋祀

尙屬闕典朕此次詣盛京恭謁

祖陵蹕途循海而行瞻望甚近宜先申虔祭以迓

靈庥著該部于濱海地方擇地望祭派莊親王永璠行

禮所有應行事宜各該衙門卽速照例備辦並著周

元理於山海關澄海樓相近處所度地建立

北海神廟卽行繪圖呈覽候朕降旨發帑興工俾廟貌

崇闋以妥

神佑乙丑

諭曰盛京爲本朝

王迹肇基之地朕恭謁

祖陵道出山海關經過各處城垣多有坍塌殊不足以壯
觀瞻而資捍衛著軍機大臣會同將軍弘晌查明何
處最為緊要應行修築妥議具奏候朕發帑興工并
派員稽查督辦甲戌

上恭謁

永陵乙亥

上致祭

永陵行禮畢

閱興京城垣已卯

上恭謁

福陵庚辰

上致祭

福陵行禮畢恭謁

昭陵辛巳

上致祭

昭陵行禮壬午

諭曰朝鮮列在外藩世篤忠貞謹守侯度乾隆八年及

皇朝文獻通考 卷一百五十四
三
十九年臨幸盛京朝鮮並修朝貢之禮本年以尙在
二十七月之內停止宴禮會諭勅朝鮮毋庸遣使朝
賀而該國王情殷感戴遣陪臣賚表修貢迎賀請安
藉抒忱悃恭順可嘉著照上兩次之例加恩賞賚并
御書匾額以賜用昭優眷其陪臣亦着一併照例加
賞又奉

諭日向凡巡幸所至一應經行橋道俱報部核銷以寓
體恤官民之意惟盛京一帶止計橋梁不計道路未
爲畫一非所以廣惠也所有此次自山海關以外至

興京往來道路並著加恩照關內之例一體報銷矣
未

上臨克勤郡王墓酌酒

賞賜進獻詩冊者四人各小卷緞一疋乙酉

閱盛京官員射丙戌

閱吉林官員射

九月丁亥

上詣

清寧宮祀

神行禮

召扈從王公大臣等食祭肉是日

諭曰朕此次詣盛京恭謁

祖陵蹕路出山海關而行憑覽關城形勢屹然雄鎮明季
於此置大員設重兵以防我朝而大軍每從沿邊諸
隘口直入如踐無人之境可見險固不足恃也然以
當時盛京而論有此關抗扼其中內外氣脈不能貫
注卽由他路入邊而彼終得撓我之後所以天聰三
年

太宗文皇帝親統大軍征明進圍燕京仍復釋之而去
聖謨深遠未嘗不籌慮及此迨後攻克永平灤州遵化皆
留將督兵駐守或欲藉以爲內外夾攻山海關之策
乃代鎮之貝勒阿敏乖張怯懦竟棄已得之各城而
歸

太宗憤甚數其罪而責之雖貸其死而全親親之誼遂不
復

躬總六師入邊亦深以山海關中隔爲難也洎乎闖賊陷
闕明社遂墟吳三桂乃開關迎請王師爲之復仇哉

亂於是我睿親王卽率勁旅入關一戰而殲賊衆追
逐季自成至京城而遁克集大勳恭奉我

世祖章皇帝定鼎燕京統一寰宇用奠我萬世丕丕基夫
同此山海關也前則屢圖之而不得其機後則直入
焉而無所於阻蓋

上天眷佑我國家誠非意計所能預及而所謂在德不在
險者於此益見迄今追思更不禁感

鴻貺而稟

景命矣且自出關後途中所經城郭則寧遠錦州廣寧等

處山川則松山杏山大凌河薩爾濟尙間崖渾河等
處悉我

太祖

太宗艱辛百戰之地歷歷在目自興京

肇迹遼瀋

遷都

業基於勤而

謀成於斷皆世世子孫所當深念者朕自臨御以來每

間日恭閱

列祖實錄一冊周而復始於

創業垂統之蹟敬識之弗敢忘前此癸亥甲戌再臨陪都展謁

陵寢所歷川原形勝因見徵聞並為詩篇以紀而薩爾渚

一戰破明四路之兵二十餘萬遠近承風震驚尤為締造鴻規向曾親製書事長篇昭示來許昨歲為全韻詩

於

太祖

太宗大烈耿光威志述成什端委畢該洪纖具備實足以

垂法守非僅託為吟咏而已茲戊戌秋三莅斯土境

之履者益以習蹟之著者益以晰其或地名今昔傳

訛介於疑似顯晦間者復周諏而深考之乃得曉然

於心而無所惑夫以朕之景仰

前型勲懇若是必三至乃得曉然於心凡我子子孫孫紹

登大統者可不體朕志以為志瞻懷遼瀋舊疆再三

周歷蘄於

祖宗遺緒身親而目睹哉至於朕叩謁

永陵

福陵

昭陵每至必淚隨聲湧瞻戀不忍去此非可以強致也夫
太宗爲朕之高祖而自

太祖以上至

肇祖雖遞推遞遠然溯水源木本一脈相承則固甚親而
甚近且奕禩之昇平景運皆

昔日艱難開創之留貽永言思之豈能不痛理也亦情也
我後世子孫誠能遵朕此旨處尊位而常緬

前勞覽當年原嶽而興思拜舊里

松楸而感愴自必稟然於

天眷之何以久膺憬然於

允澤之何以善繼知守成之難兢兢業業永保勿墜則我
大清累洽重熙之盛洵可綿延於億萬斯年矣非然
者或輕視故都而憚於遠涉或偶詣

祖陵視同延攬古蹟而漠不動心是則忘本而泯良設有
其人卽爲國家之不幸實不願我後嗣之若此也子
若孫可不恪奉朕訓而知儆懼乎歷代事蹟湮遠始
不具論卽如勝國洪武草昧初開未嘗不得之艱苦

而中葉以後罔念厥祖若正德之荒淫蕩佚恬不爲怪嘉靖萬歷天啟之昏庸逸樂阿柄下移以致權臣奸官相繼而擅威福亂政害良此數君惟知蒙業而安於國是懵然罔覺雖未及身而喪不數傳而馴致滅亡使有能奮然振興追念洪武之舊圖勵精求治未必不可挽回於未造而宴安酖毒終於不可救藥自覆厥宗殷鑒甚近尤足爲炯戒耳或我子孫尙知遵朕此旨欲莅陪京而其時無識之臣工妄以爲人主當端處法宮綜理庶政不宜輕出關外此卽我朝

之亂臣賊子當律以悖命之罪誅之毋赦蓋盛京爲根本重地

發祥所自後世不可不躬親閱歷昔我皇祖曾三舉斯典朕今亦三次矣如陞殿祀

神閱射行賞之類仍循成例而於

三陵之察紅椿移近居及葺盛京舊有之

壇

廟沿途之繕城垣以至檢核各庫諸事則皆前兩巡所未及而今悉舉而行之益可見臨幸之有益矣十餘年

皇朝文獻通考 卷一百五十四
後朕躬若尙如今日之康強仍當再行上陵之禮然尙須有待嗣後每閱三年卽派皇子二人恭謁祖陵每次於秋冬間啟行途間旣不煩修治橋道之勞而謙從無多更可不預安營頓俾之歷覽舊京風土自皆惕然動念感

天佑而仰

祖功無負朕諄切垂訓之意欽承毋忽將此通諭中外並錄一通交上書房存記其三年一次簡派皇子之事屆期著軍機大臣請旨又奉

諭曰渾河發源遙遠自東北來入英額邊門西流幾及

千里會遼入海縈護

三陵滋演萬年

靈脈長川襟帶直衝陪都厥功甚鉅自宜虔崇廟祀以答神庥著交邁拉遜德成會同將軍府尹於盛京城東度地鳩工奏聞請帑興建

河神廟以昭妥侑

四十五年九月壬午

上恭謁

昭西陵

孝陵

孝東陵

景陵

聖水峪酌酒辛卯

上恭謁

泰陵禮成先是八月

諭曰朕於本月二十八日自熱河啟鑾恭謁

東陵迴由南苑恭詣

西陵展謁所有應行典禮各該衙門照例敬謹預備

四十六年閏五月將軍索諾穆等奏修理

福陵

隆恩殿並

昭陵

明樓等工其大脊中應行恭貯各物除現有之金錢金銀

銅鐵錫鏤寶石外尚有五色緞塊五色線經篇藥

材等件請另行補辦奉

諭曰此項應行補辦物件著交內務照單備辦

四十七年九月

諭日前因工部奏銷摺內有更換

昭陵隆恩殿龍毯及

昭西陵隆恩殿寶座褥二項諭令慶桂剛塔查明將更換

緣由據實覆奏茲據剛塔奏稱此項座褥間有破損
經貝子允祁奏明照例行工部成做等語盛京

陵寢及

東陵

西陵供奉陳設各件有應更換者由承辦事務衙門咨行

工部成做其應用物件工部又轉向內務府咨取輾
轉咨行辦理未免多費周折且題銷時轉難查核嗣
後盛京

陵寢及

東陵

西陵事件除應行咨請工部辦理者仍照例咨請外其更
換陳設如龍毯座褥等項由工部轉行內務府者各
該總管徑咨內務府辦給確核題銷不必更咨工部
轉行

四十八年八月

上東巡盛京恭謁

祖陵先是三月

諭曰朕於五月二十四日啟鑾至熱河避暑山莊七月十一日卽由熱河至盛京恭謁

祖陵所有應行典禮各該衙門照例敬謹預備六月又奉諭曰朕於本年前往盛京恭謁

祖陵業經降旨定于七月十一日啟鑾但念今年節氣較晚若於七月雨水正盛炎暑之時啟鑾不惟預備駐

蹕尖營橋梁道路人等拮据卽當溽暑遠行馬匹牲

畜亦屬難堪今已降旨改於八月十六日啟鑾旣已

展期月餘則沿途預備一切事宜甚覺裕如著傳諭

卓索圖盟長喀喇沁郡王拉特那錫第等將朕經過

喀喇沁土默特一帶駐蹕尖營橋梁道路等項均着

從容預備其應赴熱河之蒙古王公等毋庸於七月

初間前來仍照每年進哨之例令於七月下旬前來

熱河看戲俟朕萬壽節後其應扈從者著令扈從其

應回游牧者卽令各回游牧所有更換啟鑾日期並

交盛京將軍永瑋等將山海關外盛京所屬一切豫備事宜及駐蹕尖營橋梁道路均著從容妥協預備辦理七月又奉

諭曰盛京為

王迹肇基之地朕御極以來敬惟

祖宗開創艱難

佑啟萬年統緒于癸亥甲戌戊戌暨今癸卯四詣盛京恭

謁

祖陵以申積愆所歷川原形勝因見徵聞並為詩以識而於

太祖

太宗締造鴻規耿光大烈咸恭紀成篇實足以垂法守非

僅託為吟咏所有四詣盛京御製詩著皇子等分年

按次每人各錄一分裝成四卷彙貯一匣以昭觀揚

垂裕之至意至是自熱河

啟鑾

九月朔己丑

閱吉林射癸巳

閱盛京射戊戌

皇明文獻通考

卷二百五十四

長

上恭謁

永陵己亥

上致祭

永陵行禮畢

閱盛京城垣癸卯

上恭謁

福陵甲辰

上致祭

福陵行禮畢

上恭謁

昭陵乙巳

上致祭

昭陵行禮丙午

上臨克勤郡王墓酌酒丁未

上臨公費英東墓額亦都墓各酌酒戊申

御崇政殿陞座扈從

皇子王公大臣官員並蒙古王公貝勒額駙台吉以

及

盛京文武大臣官員朝鮮國使臣等行慶賀禮畢

御大政殿

賜宴賞賚有差已酉祀

神行禮

賜食祭肉庚戌

上回鑾丙子

十月癸酉

上謁

景陵詣

孝賢皇后陵寢酌酒

皇帝親詣

列聖

列后

陵寢儀先期

命下徧布諸司供備諏吉起

鑾前一日遣官祇告

奉先殿如常儀謁

陵前期有司潔除

陵內外屆日

皇帝御素服乘輿出

行宮羣臣素服隨從

駕至

陵於

隆恩門外降輿王以下各官至下馬碑稍遠咸降騎禮

部尚書侍郎二人導

駕由

隆恩門左門入

陵寢門左門奉爵大臣暨

欽命隨入之大臣扈從王公百官止立門外

皇帝至

寶城祭臺前西向立司拜褥官豫布拜褥於臺北正中禮

部尚書侍郎恭導

皇帝就位北向行三跪九拜禮不贊鴻臚寺官引王公百

官於

陵寢門外按左右翼列班重行北面隨行禮畢有司設奠

几酒壘於拜位正中

皇帝詣几前北向跪羣臣皆跪奉爵大臣跪進爵

皇帝三奠酒每奠率羣臣行一拜禮興西向舉哀羣臣

東西面序立咸舉哀畢禮部尙書侍郎導

駕出

隆恩門左門陞輿還

行宮扈從如來儀羣臣皆退凡詣

陵展謁儀並同

皇太后

皇后謁

陵儀是日

皇太后至降輿處降輿

皇后

妃

皇嬪公主以下隨降輿守

陵女官二人恭導

皇太后

皇后至

寶城明樓前北向行六肅三跪三拜禮

妃

嬪公主等位

皇后之後隨行禮興執事女官進奠几於正中

皇太后正中跪奠酒三爵每奠行一拜禮西向舉哀

皇后公主以下奠酒奠

妃

嬪公主以下隨行禮舉哀畢女官恭導以出乘輿還

行宮

隆恩殿大祭儀

歲清明中元冬至除夕四盂

列聖

列后忌辰及

國有大慶皆大饗於

隆恩殿恭遇

皇帝親詣行禮前期

陵寢奉祀官潔備牲帛器數翰林院具祝文

隨事撰擬授太常

寺官奉安潔室屆日工部官張幄次於

隆恩門外之東執事官素服入

隆恩門西門詣

隆恩殿燃炬明燈具器陳於案

帝

后皆同案每案牛一羊二尊四鑪鏡具每位奉先制帛一

羹飯脯醢十有八器餅餌果實六十有五器

夏則薦瓜

茶盃一金爵三金七一金筋二凡牲實俎帛實籠

酒實尊承以舟疏布羃勺具如遇

皇貴妃祔饗位於西旁東向用素帛一餅餌果實減十有一器餘同陳設畢內監啟

寢室神龕禮部尙書詣

行宮告時

皇帝御素服乘輿出

行宮扈從大臣侍衛翼衛如常儀

凡倍祀扈從王公百官及執事官咸

素服

駕至

隆恩門外降輿贊引對引太常寺卿二人恭導

皇帝入大次少埃內府奉祀官恭請入至

神位奉安於

寶座如儀鴻臚寺官引王公於

隆恩門外兩廂前祇候陪祀各官豫入至

隆恩殿階下按翼祇候禮部尙書告奉安入恭導
神位畢奏請行禮

皇帝出次盥洗鑾儀衛官跪奉盥奉巾如儀司拜褥官

豫布拜褥於殿門內正中贊引對引恭導

皇帝由

隆恩門左門入陞左階入殿左門西向立鴻臚寺官引

王公於階上引百官於階下東西面立內府官獻

茶於各案如儀畢典儀贊執事官各供酒職贊引

奏就位恭導

皇帝就正中拜位前北向立鴻臚寺官引王公百官咸

就拜位立重行北向東位西上西位東上贊引對

引恭導

皇帝詣香案前贊引奏跪

皇帝跪羣臣皆跪奏上香司香跪奉香

皇帝上炷香三上辨香與奏復位

皇帝復位立奏跪拜興

皇帝行三跪九拜禮王公百官均隨行禮典儀贊奠

帛爵行初獻禮司帛奉篚司爵奉爵以次詣各

神位前司帛跪奉篚奠於案三叩興司爵立獻爵奠於墊

中各退司祝詣祝案前三叩興奉祝版跪案左贊

引奏跪

皇帝跪羣臣皆跪贊讀祝司祝讀祝畢興奉祝版跪安

神位前篚內叩如初退贊引奏拜興

皇帝率羣臣行三拜禮典儀贊亞獻司爵獻爵於左

如初獻儀贊三獻司爵獻爵於右儀如亞獻畢贊

引贊跪拜興

皇帝率羣臣行三跪九拜禮典儀贊送燎司祝司帛詣

神位前咸跪三叩司祝奉祝司帛奉篚興司香跪奉香司

爵跪奉爵興以次由中道出恭送燎所

皇帝轉立拜位東旁西向司拜禱官徹拜禱王公百官

退避側立東西面俟祝帛過

仍布拜禱

皇帝復位立贊引奏望燎暨對引官恭導

皇帝詣望燎位望燎贊引奏禮畢恭導

皇帝出殿左門降東階入

陵寢左門至

明樓前

皇帝西向立舉哀鴻臚寺官引王公百官東西序立於

陵寢門外咸舉哀

遇冬至不舉哀畢導

駕出

隆恩門左門外陞輿還

行宮執事官恭請

神位還御寢室衆皆退若遇慶典

躬行大饗禮

皇帝御禮服陪祀王公百官咸朝服行禮如儀禮成仍

由左階降不詣

明樓前若遣官祭饗於

隆恩殿承祭官及陪祭執事各官咸朝服將事

忌辰素服

屆日

奉祀官陳設俎豆進祝版內監入殿啟

寢室神龕禮部贊禮郎預引陪祭官先詣階下東西序立

祇埃內府官奉安

神位畢乃引承祭官入

隆恩門右門升西階就正中拜位立陪祭官各就拜位

立承祭官上香升降均由西階出入殿右門祝帛
送燎避立西旁餘行禮儀節均與

親饗同禮成內府奉祀官恭奉

神位還御承祭官及各官出易素服俟徹饌畢闔門承祭

官立

隆恩門外左階上西面各官序立階下東西舉哀各退

冬至暨

慶典祭畢不舉哀

皇帝時巡

盛京祇謁

祖陵儀先期

命下徧布諸司供備啟

鑿前一日

皇帝親告於

奉先殿如儀

駕發陳

騎駕鹵簿不作樂在京王公百官常服跪送

御道所經守土官常服跪迎

盛京文武官朝服出境迎候朝鮮國王遣其陪臣奉

表

起居

駕至

興京恭謁

永陵

皇帝素服由

行宮乘輿出王公百官侍衛三品以上官咸素服從

皇帝至

永陵正門之右垣側降輿禮部堂官二人恭導

皇帝由左門入進

啟運門左門至

寶城前立鴻臚寺官引王公於殿左右百官於門外披翼

序立

皇帝就拜位率羣臣行三跪九拜禮畢有司設奠几於

拜位正中

皇帝詣几前北向跪羣臣皆跪進爵大臣進爵百恭進

皇帝仰瞻

四陵各三祭酒每祭行一拜禮畢東立西向舉哀王公百官東西面序立隨行禮舉哀禮畢禮部堂官恭導皇帝出至右垣側乘輿還

行營

皇太后率

皇后

貴妃

妃

嬪恭謁

永陵至

啟運門前降輿至門下行六肅三跪三拜禮女官設奠几

進爵

皇太后北面跪仰瞻

四陵各三祭酒行一拜禮

皇后

貴妃

妃

嬪隨行禮畢東向舉哀如儀翼日

皇帝御禮服羣臣咸朝服行大饗禮祭畢易素服入
陵寢門舉哀乃出是日遣官致祭

永陵內祔葬之武功郡王恪恭貝勒墓其附近之覺羅等
祖塋皆遣官往奠及賞賚守

陵官有差

駕至

盛京日恭謁

福陵至紅門外左門降輿禮部堂官恭導
皇帝入

隆恩門至

寶城前率羣臣行三跪九拜禮有司設奠几進爵大臣進

爵

皇帝詣几前北向跪三祭酒每祭行一拜禮畢東立西

向舉哀衆皆隨行禮舉哀禮畢禮部堂官恭導

皇帝出陞輿還

行營翼日行大饗禮儀與

永陵同禮畢

皇帝卽往謁

昭陵翼日行大饗禮均如前儀是日分遣官致祭

福陵之

壽康太妃 日行大饗禮與

昭陵之 出刑典

宸妃 向奉京果計數行數舉京數舉數陪堂官恭奠

懿靖大貴妃 亦向御三祭西拜祭行一拜數舉東立西

康惠淑妃園寢

皇太后率 皇太后率 皇太后率 皇太后率 皇太后率

皇后

貴妃

妃

嬪恭謁

福陵

昭陵於正門之右門內降輿至

寶城明樓前行禮各祭酒三爵餘儀與謁

永陵同祀事禮成賞賚守

陵官及 陵官及 陵官及 陵官及 陵官及

盛京官兵各有差越日 盛京官兵各有差越日 盛京官兵各有差越日

皇帝親臨克勤郡王暨功臣武勳王揚古利信勇公費

英東果毅公額亦都墓奠酒其餘親王貝勒及大

臣墓皆以次遣官往奠

陞崇政殿受賀

鑾輿旋蹕

盛京各官朝服跪送

御道所經守土官及在京王公百官朝服跪迎禮成

親告于

奉先殿如儀越日禮部疏請行慶賀禮如儀

皇后陵祭奠儀恭遇

皇帝詣

皇后陵寢

皇帝乘輿入中門

禮部尚書侍郎不導引循

享殿左至

明樓前階下降輿陞階西向坐奠酒扈從王公百官鴻

臚寺官引於大門外按翼重行北面行三跪九叩

禮

皇帝奠酒時行禮舉哀各退恭遇

皇太后率

皇后

妃

嬪致奠

皇太后由中門入至

明樓前降輿西向坐奠酒

皇后以下降輿行禮如謁各

陵儀如遇

皇后忌辰及清明中元冬至歲暮

國有慶典遣官致祭於

享殿是日執事官入殿陳俎豆牲牢於案畢退出司祝

奉祝版至殿中門外內監接奉跪安於祝案三叩

司祝於門外之左隨行禮內監啟

寢室神龕尙茶於中門外獻茶內監接奉茶奠於案屆

祭時引贊官二人引承祭官就拜位司香內監奉

香盤進引贊引承祭官至殿右門引贊官止承祭

官入右門引贊趨至中門外左右贊上香畢承祭

官出殿右門引贊仍引至拜位行三跪九叩禮初

獻內監奠帛獻爵如儀司祝進至中門之左跪內
 監詣祝案前三叩奉祝版跪授司祝司祝三叩接
 奉讀畢仍授內監跪安於篚內三叩司祝隨行禮
 亞獻三獻如初獻儀祝帛送燎內監二人詣案前
 司祝司帛於門外各行一跪三叩禮內監奉祝授
 司祝奉帛授司帛咸接以興恭送燎所禮成奉請
 神位還御

寢室乃徹餘均如各

陵祭儀

清明節敷土於

寶城儀先一日

陵寢工部官進懸楮錢寶樹一座奉安於

隆恩殿內東旁

歲暮昇出焚燎

取潔土貯篚以俟屆日遣官素服

將事贊禮郎二人一人導引一人荷土簣隨行至

方城前衆皆止遣官荷土循

明樓西磴道升

方城至石欄西以土合於一筐恭升

寶頂跪敷土於正中降以筐授贊禮郎引出易朝服詣

隆恩殿致祭如儀若恭遇

皇帝親詣行禮是日祭前二刻

皇帝素服禮部尚書太常寺卿導

駕入

陵寢左門後扈內大臣隨侍王公大臣二人恭荷土筐從

行

皇帝進至

方城前工部尚書侍郎恭進護履

皇帝納履恭荷土簣扈從王公大臣前後翼衛導駕官

恭導

皇帝由

明樓東磴道陞至

方城石欄東王公大臣以土合於一筐跪進

皇帝受筐衆皆止

皇帝奉筐陞

寶頂跪敷土正中畢降授筐脫履導駕官恭導

皇帝出

隆恩門入大次俟奉安

神位畢行時饗禮

朔望謁奠

陵寢儀月朔望日執事人夙興詣

陵拂拭神龕展幄幔每案陳熟羊一果十有二盤每位爵

三守

陵王公大臣及內府掌關防官將事奉祀禮部贊禮郎前

引上香奠獻行三跪九叩禮十月朔唱贊餘不贊畢徹退

萬壽聖節致祭

列聖陵儀恭遇

萬壽聖節守

陵各王公大臣分詣行禮每案陳果十有二盤每位爵三

帛一讀祝奠獻唱贊行禮同時饗儀

列聖誕日詣

陵上香儀每逢

列聖誕日奉祀官詣

陵掃除拂拭陳列酒果上香行三跪九叩禮

因事告祭

陵寢儀凡因事祇告

皇朝文獻通考卷二百三十四
帝
陵寢遣官各一人將事

帝

后同案每案陳果實十二盤羊一每位爵三奠獻讀祝行

禮與時饗同

皇子謁

陵儀凡

皇子奉

命祇謁

陵寢至下馬碑降輿馬奉祀禮部官導引至

隆恩門外升左階行三跪九叩禮不畢立門東西面舉

哀不奠酒哀止引退如來儀若展謁於

陵寢門外禮部官引至

隆恩右門止內務府奉祀官導引

皇子入至

陵寢右門外行禮西立東向舉哀祭

陵口

皇子朝服由

隆恩門右門進至階上虛中位於左行禮陳設贊引奠

親王以下恭謁

陵寢儀凡親王郡王貝勒貝子宗室公謁

陵奉祀禮部官引詣

隆恩門階上按左右翼行三跪九叩禮不贊王公有生母

在

妃園寢內者行禮畢內府官引由左右門

生母墓在左由左在

右由進琉璃花門至墓前月臺上設奠几內府官

進爵祭酒舉哀行禮如儀

公主

皇子福晉謁

陵儀是日啟

陵寢門公主福晉至下輿處下輿守

陵女官二人導引由神道西進

隆恩門右門至

陵寢門外虛中位於右旁行六肅三跪三叩禮退立門西

東向舉哀畢女官仍由原路引出至

妃園寢於琉璃花門外行禮畢女官引進至墓前月

臺上設奠几女官進爵祭酒舉哀行禮如儀
羣臣恭謁

陵寢儀凡文武三品以上官奉奠三跪三叩奠於立門西
命出使道過

陵寢由奉祀禮部官引至大門外北面行三跪九叩禮贊不

遇時祭則入陪祀官之列按翼隨行禮歸時展謁
亦如之

園寢祭奠儀凡

妃園寢及

皇太子園寢四時遣官祭奠行二跪六叩禮贊不出入
殿左門於階上正中行禮餘讀祝奠獻諸儀節與

陵寢時饗同

皇朝文獻通考卷一百五十四

京師圖書館藏

